

QR коди орқали газетанинг электрон вариантни юклаб олинг!

Ҳамкорлик меморандуми имзоланди

“Адолат” СДП сафидаги 620 мингдан ортиқ аъзоларнинг 52 фоизини хотин-қизлар ташкил этмоқда. Олий Мажлис Қонунчилик палатасига сайланган депутатларнинг 61 фоизини аёллар ташкил этади. Халқ депутатлари маҳаллий Кенгашларга “Адолат” СДПдан 828 депутат сайланган бўлиб, уларнинг 257 нафари аёллардан иборат. Партияга аъзо бўлган хотин-қизларнинг 19 нафари “Зулфия” номидаги Давлат мукофоти совриндорлари. Бу кўрсаткичлар, мамлакатимизда аёлларнинг партияларга бўлган ишончи ортаётганидан далolat беради.



9 февраль – Ҳазрат Алишер Навоий таваллуд тоған кун



Абдулла ОРИПОВ

Абадият билан қай сўз эгизак,
Балки яхши орзу, яхши ниятдир?
Мангулик англандар Навоий десак,
Навоийнинг ўзи Абадиятдир.



Мушкулумиз осон бўлди

Кейинги йилларда бизни бир муаммо жиддий ўйлан-тириб келаётган эди. Қишлоғимиз шундоққина ер остидан қазиб олинаётган газни қайта ишлаб, хоризга ва республикамиз шаҳар, қишлоқларига етказиб бераётган “Муборак газни қайта ишлаш заводи” ёнида жойлашган. Шундай бўлса-да, халқимиз узоқ йиллар давомида табиий газдан бебаҳра бўлиб келди.



ПАРТИЯМИЗГА ЖАМОАТЧИЛИК ИШОНЧИ ОРТМОҚДА



Ўзбекистон “Адолат” СДП Сиёсий Кенгаши раиси Робохон Махмудова Андижон вилоятида бўлиб, андижонлик “адолатчилар” ва маҳаллий кенгаш депутатлари билан учрашди. Янги таҳрирдаги Конституция тарғиботи, ҳудудий партия кенгашлари фаолиятини жонлантириш ва фуқароларнинг ҳуқуқий маданиятини юксалтиришга қаратилган тадбирларда қатнашди.



Соғлиқни сақлаш соҳасида:



Соҳадаги барча вакансиялар онлайн платформага жойлаштирилиб, кадрларни ишга олиш бўйича шаффоф тизим яратилади;

Янги ўқув йилидан тиббиёт олийгоҳлари битирувчи курс талабалари учун кўп тармоқли шифохоналарда иш ҳақи тўланадиган интернатура йўлга қўйилади.

Хавф гуруҳига кирувчи аҳолини юрак қон-томир, онкология ва эндокрин касалликлари скринингидан ўтказиш тизими такомиллаштирилади.

Онкология бўйича ҳар бир эрта аниқланган ҳолат учун тиббиёт бригадаларига мукофот бериш жорий қилинади.

Бу тажриба 1 майдан Қашқадарёда бошланади ва келгуси йилдан бошқа ҳудудларда йўлга қўйилади.

23 та марказ, 12 та тиббиёт олийгоҳи, 2 та шифокор ва ўрта тиббиёт ходимлари малакасини ошириш марказларининг ҳар бирига замонавий менежерлар ишга олиниб, халқаро аккредитациядан ўтказилади.

“Электрон поликлиника”, “Электрон шифохона” ва “Электрон тиббий карта” тизимлари ишга туширилади;

Кафолатланган пакетта кирган дориларни электрон рецетп асосида бериш йўлга қўйилади.

Шунингдек:

Она ва гўдак ўлими юқори 20 та туман ва шаҳардаги тиббиёт ходимлари ўқитилади;

“Хавф гуруҳи”га кирган ҳомиладор ва туғруқ ёшидаги аёллар билан ишлаш протоколи янгиланади;

Тиббиёт бригадаларидаги 8,5 минг доя илғор тажриба асосида репродуктив саломатлик ва ҳомиладорлар парвариши бўйича ўқитилади;

Перинатал марказлар бошқарувида хоржий мутахассислар олиб келиниб, 229 та туғруқхона замонавий тиббий усқунлар билан жиҳозланади.

Президент Шавкат Мирзиёев раислигида 5 февраль кун ижтимоий соҳалардаги устувор вазифалар муҳокамаси юзасидан видеоселектор йиғилишидан



ҚАДРИ ЙЎҚ ДЕГАНИМИ?

Ўзбекистонда 2023 йилда тез ёрдам хизматида 3500 дан ортиқ ёлғон чақириқ келиб тушган





Ҳамкорлик меморандуми имзоланди

Ўзбекистон Республикаси Вазирлар Маҳкамаси ҳузуридаги Оила ва хотин-қизлар қўмитаси ҳамда Ўзбекистон "Адолат" СДП Сиёсий Кенгаши ўртасида ҳамкорлик меморандумини имзолашга бағишланган анжуман бўлиб ўтди.

Тадбирда мамлакатимизда оилаларни мустаҳкамлаш, хотин-қизларнинг ижтимоий-сиёсий фаоллигини ҳамда бандлигини ошириш, ажримларнинг олдини олиш борасидаги ишлар тўғрисида сўз юритилди. Шунингдек, партия тизимида хотин-қизлар билан ишлаш борасидаги амалий саъй-ҳаракатлар ҳақида ҳам маълумот берилди.



Қайд этилганидек, партия сафидаги 620 мингдан ортиқ аъзоларнинг 52 фоизини хотин-қизлар ташкил этмоқда. Олий Мажлис Қонунчилик палатасига сайланган депутатларнинг 61 фоизини аёллар ташкил этади. Халқ депутатлари маҳаллий Кенгашларга "Адолат" СДПдан 828 депутат сайланган бўлиб, уларнинг 257 нафари аёллардан иборат. Партияга аъзо бўлган хотин-қизларнинг 19 нафари "Зулфия" номидаги Давлат мукофоти совриндорлари. Бу кўрсаткичлар мамлакатимизда аёлларнинг партияларга бўлган ишончи ортаётганидан далолат беради.

Хотин-қизларни турли таъйиқ ва зўравонликлардан ҳимоялаш мақсадида "Адолат" социал-демократик партияси ташаббуси билан "Бир адолатчи – юз аёлга ҳимоячи" лойиҳаси амалга ошириб келинмоқда. Лойиҳа доирасида ўтган йилда зўравонликка учраган 200 нафар хотин-қизга "ҳимоя ордери" олиб берилди. Бундан ташқари, 3 мингдан ортиқ хотин-қизлар касбга йўналтирилди. Тиббий кўриқлар ташкил этилиб, 20 мингдан ортиқ хотин-қизларнинг саломатлигини тиклаш чоралари кўрилди.


Шу билан бирга, хотин-қизларнинг муаммолари юзасидан халқ депутатлари маҳаллий Кенгашлари сессияларига партия депутатлик гуруҳлари томонидан 62 та масала киритилиб, аёллар манфаатларини ҳимоя қилишга қаратилган қарорлар қабул қилинди. Партиянинг "Бир ойда бир иш ўрни" лойиҳаси доирасида 1 минг 677 нафар хотин-қизнинг ишга жойлашишига қўмақлашилди.

Тадбирда зўравонликка учраган хотин-қизлар билан ишлаш, уларнинг ҳуқуқлари, эркинликлари ва қонуний манфаатларини ишончли ҳимоя қилиш борасидаги ишларни "Адолат" партияси ҳамда Оила ва хотин-қизлар қўмитаси ҳамкорлигида олиб бориш ҳар икки томонга ҳам манфаатли экани таъкидланди. Шундан келиб чиқиб, Ўзбекистон "Адолат" СДП Сиёсий Кенгаши ҳамда Ўзбекистон Республикаси Оила ва хотин-қизлар қўмитаси ўртасида меморандум имзоланди.

Манба: uza.uz

Зулфияxonим издоши сафимизга қўшилди

"Адолат" СДП Андижон вилоят кенгаши фаоллари ёшларни сафимизга қўшишга алоҳида эътибор қаратмоқда. Айни шу мақсадда андижонлик Зулфияxonим издошлари билан ўтказилган давра суҳбатда иштирокчилар партиянинг "Аёллар қаноти" фаолияти билан яқиндан таништирилди. "Адолат" СДП доимо иқтидорли қизларни қўллаб-қувватлаб келаётгани айтиб ўтилди.



Мафтуна ЭРКИНОВА,
Андижон давлат университети талабаси:

– Айни вақтда тилшунослик йўналишида илмий излашни олиб бораётган, ижод билан ҳам шуғулланаман. Мақсадим Зулфияxonимдек адабиёт майдонида ўз ўрнини топиш. Бугун партия фаолияти билан танишиб, "адолатчилар" сафидан ўрн олишга қарор қилдим. Бу мени сиёсий йўналишда ҳам фаол бўлишга ундайди.

Тадбир якунида Мафтуна каби 5 нафар изланувчан қизлар партия аъзолигига қабул қилинди.

Андижон вилоят кенгаши матбуот хизмати

Jarayon



11 февраль – Илм-фанда хотин-қизлар иштироки халқаро куни



Интеллектуал етук аёл – ЖАМИЯТ ТАЯНЧИ

Қадимдан маълум, ривожланган жамиятда тараққиёт ва цивилизация даражаси аёлларга бўлган муносабат, улар учун яратилган имкониятлар билан белгиланади.

Гулруҳ АГЗАМОВА,
Олий Мажлис Қонунчилик палатасидаги
«Адолат» СДП фракцияси аъзоси

Дарҳақиқат, ҳар қандай жамиятнинг маънавияти ва маданияти даражаси, энг аввало, аёларнинг интеллектуал ва маънавий камолоти билан, Улуғ зотларнинг камол топишида меҳрибон оналарнинг, доно хотинларнинг ўрни катта бўлган.

Таъкидлаш жоизки, сўнгги йилларда мамлакатимиз раҳбариятининг ғамхўрлиги туфайли Ўзбекистонда хотин-қизларни ижтимоий қўллаб-қувватлаш давлат сиёсатининг муҳим йўналишларидан бирига айланган. Хотин-қизларнинг жамиятдаги ролини ошириш уларнинг ижтимоий жараёнлар, бизнес ва илм-фандаги иштирокини кенгайтиришда намоён бўлади, шунинг учун ҳам гендер тенглиги мамлакат ижтимоий-иқтисодий ривожланишининг муҳим таркибий қисmidир.

Жамият ҳаётининг турли жабҳаларида гендер тенгликни таъминлаш Ўзбекистон ички сиёсий концепциясининг устувор йўналишлари қаторига киради. Бугунги кунда мамлакат академик доираларида аёлларнинг ўрни ва мавқеини ошириш, янги авлод олимларини тарбиялаш ҳамда истиқболли лойиҳаларини рағбатлантириш бўйича муҳим ташаббуслар илгари сурилмоқда. Қўзланган мақсад-вазифаларга эришиш эса илм-фан соҳасини ислоҳ этиш масаласига тизимли ёндашувни талаб қилади.

Ҳар йили 11 февралда илм-фан соҳасида хотин-қизларнинг ўрни ва аҳамиятига бағишланган халқаро тадбирлар ўтказилиши замирида муайян рамзий маъно бор. Гап шундаки, БМТ Бош Ассамблеяси томонидан қабул қилинган Тараққиёт мақсади йўлида фан, техника ва инновациялар тўғрисидаги резолюцияда 11 февраль – Илм-фанда хотин-қизлар иштироки халқаро куни, деб эълон қилинган.

Ўзбекистон Республикаси Президентининг 2022 йил 7 мартдаги "Оила ва хотин-қизларни тизимли қўллаб-қувватлашга доир ишларни янада жадаллаштириш чора-тадбирлари тўғрисида"ги фармони билан 2022-2026 йилларда хотин-қизларнинг мамлакат иқтисодий, сиёсий ва ижтимоий ҳаётининг барча жабҳаларида фаоллигини ошириш бўйича Миллий дастур тасдиқланди. Хотин-қизларни илмий ва инновацион фаолият билан шуғулланишга жалб қилиш мақсадида ҳар йили "Олима аёл" танловини ўтказиш белги-ланган.

Мазкур танлов – ташаббускор илмий лойиҳалар танлови айнан хотин-қизларнинг илм-фандаги ўрнини мустаҳкамлашга қаратилган бўлиб, унинг натижаларига кўра ҳозирги кунда жами 8 миллиард 467.5 мил-

лион сўмлик 16 та лойиҳа молиялаштирилди.

ЮНЕСКОнинг тадқиқотига кўра, бутун дунё бўйлаб аёлларнинг фандаги улуши тахминан 39 фоизни ташкил қилар экан. Ўзбекистонда ҳам бу кўрсаткич деярли 39 фоизни ташкил этгани кўнарали. Жумладан, Фанлар академияси тизимида ишлаётган 4 минг 760 нафар хизматчининг 40 фоизини, яъни 1 минг 905 нафарини хотин-қизлар ташкил этмоқда. Юртимизда илмий изланишлар билан машғул 2 минг 146 нафар тадқиқотчидан 695 нафари ҳам аёллардир. Уларни қўллаб-қувватлаш мақсадида магистратурада ўқиётган барча қизларнинг контракт пулларини тўлиқ бюджетдан қоплаб бериш учун ҳар йили 200 миллиард сўм маблағ йўналтирилди. Докторантура йўналишида хотин-қизлар учун ҳар йили камида 300 тадан мақсадли квота ажратилади.

Ҳозирги вақтда Ўзбекистон хотин-қизларининг 7 нафари – академик, 271 нафари – фан доктори (DSc), 1 минг 411 нафари фалсафа доктори (PhD) илмий даражаси соҳибалари ҳисобланади.

Ўзбек олималари кимё, биотехнология, қишлоқ хўжалиги каби соҳаларда, айниқса, фаол изланмоқдалар. Таълим, соғлиқни сақлаш, ижтимоий ва гуманитар соҳалар ривожига хотин-қизларимизнинг иштироки салмоқли ўрин тутди.

Абдулла Авлонийнинг "Қизлар билан олишга ҳаммадан кўпроқ интилишлари лозим, зеро, бу биланлар билан улар келажак авлоднинг тарбиялайдилар", деган ўғти бугун ҳам ўз долзарблигини йўқотмаган. Президентимиз ўзининг қатор маърузаларида бугунги кунда барча соҳа ва тармоқларда хотин-қизларнинг ўрни ва таъсири ортиб бораётганини, уларни янада қўллаб-қувватлаш, салоҳиятларидан кенг фойдаланиш, ютуқларини рағбатлантириб бориш, ўз устида ишларини учун имтиёзлар жорий этиш, билим олишлари учун грантларни кўпайтиришни таъкидлаб ўтди. Айни пайтда аёлларимизнинг бошқарув тизимидаги улуши 33 фоизни ташкил этиб, 1500 нафарга яқин замондошимиз турли даражадаги раҳбарлик лавозимларини эгаллаб келмоқда.

Бугунги кунда олий таълим тизимидаги профессор-ўқитувчиларнинг 45 фоизини хотин-қизлар ташкил этади. Таълимда квоталар ва имтиёзларнинг оширилиши кўпгина чекка ҳудудларда яшаётган қизларимиз учун кенг имкониятлар эшигини очиб бергани ҳам айни ҳақиқатдир.

Хотин-қизларнинг салоҳиятини янада ошириш, давлат бошқарувидаги иштирокини кучайтириш мақсадида замонавий билим, истеъдод ва етакчилик фазилатларига эга бўлган 6 мингдан зиёд юртдошларимизни ўз ичига олган кадрлар захираси шакллантирилди.

Мамлакатимизда хотин-қизларни илмий фаолиятга кенг жалб этиш, уларнинг дастурий ишланмалари, инновацион тоғларини қўллаб-қувватлаш борасида салмоқли ишлар амалга оширилмоқда. Сўнгги беш йилнинг ўзида хотин-қизларнинг ҳуқуқий мавқеини юксалтириш, оила институтини ҳимоя қилишга қаратилган қўллаб-қўнунлар, Президент фармон ва қарорлари қабул қилинди ҳамда амалда изчил таътиб этилмоқда.

Хусусан, 2019 йил 2 сентябрда "Хотин-қизлар ва эркаклар учун тенг ҳуқуқ ҳамда имкониятлар кафолатлари тўғрисида"ги ва "Хотин-қизларни таъйиқ ва зўравонликдан ҳимоя қилиш тўғрисида"ги қонунлар қабул қилинди. Ушбу қонунлар хотин-қизларни турмушда, иш жойларида, таълим муассасалари, бошқа жойларда таъйиқлар ва зўравонликнинг барча шаклларида ҳимоя қилиш ҳамда эркаклар ва аёллар учун тенг ҳуқуқлар ҳамда имкониятлар кафолатларини таъминлаш, жинси бўйича камситилишининг ва тенгсизлигининг олдини олиш соҳасидаги ижтимоий муносабатларни тартибга солишга қаратилган.

Бундан ташқари, "Фуқароларнинг репродуктив саломатлигини сақлаш тўғрисида"ги қонун қабул қилинди. Меҳнат кодексига хотин-қизларни ҳар қандай камситиш ва таъқиблардан ҳимоя қилишни назарда тутувчи ўзгаришлар киритилди.

Бугун республикада хотин-қизларнинг ўз билим ва имкониятларини намоён этиши, соҳада самарали меҳнат қилиши учун зарур шарт-шароит яратилган. Иқтидорли аёлларимиз ҳар томонлама қўллаб-қувватланмоқда, чунки билимли аёл ҳар қандай жамиятда кучли манба ҳисобланади. Илм-фан билан шуғулланган инсон эса нафақат ўз умрини бағишлаган соҳа, балки давлат ва жамият тараққиётига катта ҳисса қўшади.

Жамият ҳаётининг турли жабҳаларида гендер тенгликни таъминлаш Ўзбекистон ички сиёсий концепциясининг устувор йўналишлари қаторига киради. Мамлакат академик доираларида аёлларнинг ўрни ва мавқеини ошириш, янги авлод олимларини тарбиялаш ҳамда истиқболли лойиҳаларини рағбатлантириш бўйича муҳим ташаббуслар илгари сурилмоқда. Қўзланган

Аёл қадрини қанчалик юқорига кўтаришга мўъассар бўлсан, миллий гуруримиз, маънавият ва маданиятимиз янада юксалиши, оилаларимиз барқарорлиги таъминланиши, ҳалол ва пок, фидойи, ватанпарвар, жамиятга фойда келтирувчи, миллатимизни бутун жаҳонда кўз-кўз қилувчи фарзандларимиз сонини кўндан-кўнга кўпайиб бориши табиий ҳолдир. Зеро, ҳар томонлама фаол ва оқил, доно, изланувчан, замонавий аёл меҳнатидан, салоҳиятидан нафақат унинг оиласи, балки бутун жамият манфаатдор бўлиши чин ҳақиқатдир. Биз кураётган жамиятнинг оғир юкунини дадил кўтариб, унинг пойдеворини мустаҳкамлаб турадиган асосий куч – хотин-қизлар эканлигини, улар эса ўз навбатида, оила шайни, маҳалла виждони, юрт тимсоли бўлмоғи лозимлигини унутмаслигимиз керак.



ЮНЕСКО
тадқиқотига кўра,
бутун дунё бўйлаб
аёлларнинг фандаги
улуши тахминан 39 фоизни
ташкил қилар экан. Ўзбекистонда
ҳам бу кўрсаткич деярли
39 фоизни ташкил этгани кўнарали.
Жумладан, Фанлар академияси
тизимида ишлаётган 4 минг 760
нафар хизматчининг 40 фоизини,
яъни 1 минг 905 нафарини хотин-қизлар
ташкил этмоқда. Юртимизда илмий
изланишлар билан машғул 2 минг
146 нафар тадқиқотчидан 695
нафари ҳам аёллардир.

...Ҳозирги вақтда Ўзбекистон хотин-қизларининг 7 нафари – академик, 271 нафари – фан доктори (DSc), 1 минг 411 нафари фалсафа доктори (PhD) илмий даражаси соҳибалари ҳисобланади.

мақсад-вазифаларга эришиш эса илм-фан соҳасини ислоҳ этиш масаласига тизимли ёндашувни талаб қилади.

Таъкидлаш жоизки, хориждан фарқли ўлароқ, биздаги олий ўқув юрларида фаолият юритаётган барча мутахассисларга нисбатан "олим" тушунчаси қўлланилади. Негаки, биздаги тартиб-табағга кўра, олийғў ҳуқуқини бири вақтининг ўзида дарс бериши ва илмий изланишлар олиб бориши мумкин. Жаҳон стандартлари асосидаги дунё тартиб-қоидалари бўйича эса университетда ишлаётган педагог, у фан доктори ёки профессор бўлишидан қатъий назар, мунтазам равишда бирор-бир илмий ишлар олиб бориши ҳамда нуфузли илмий журналларда ўз мақолаларини чоп эттириб бориши шарт.

Олима аёлларимиз жаҳон илм-фани маконида рақобатлашиш учун инглиз тилини мукаммал билиш билан бир қаторда илмий мақола ёзишда тил ва услубга доир қатъий талабларни ҳам инобатга олиши зарур бўлади. Чунки, бугунги кунда халқаро илмий журналлардаги у ёки бу илмий мақолалар нафақат олимлар, балки бошқа соҳа вакиллари, хусусан, бизнесмен, сиёсатчи, дипломатларни ҳам қизиқтира олиши керак.



Ўзбекистон —
Хитой:

ҲАМКОРЛИКНИНГ ЯНГИ ВЕКТОРИ

“Ўзбекистон – 2030” стратегиясида янги Ўзбекистоннинг халқ ва давлат манфаатларидан келиб чиққан ҳолда очик, прагматик, фаол ва яхши қўшничиликка асосланган ташқи сиёсати изчил давом эттирилиб, мамлакатнинг устувор мақсадларидан бири сифатида ажралиб туриши алоҳида қайд этилган бегиз эмас. Шу боис Ўзбекистон ташқи сиёсатининг замонавий вектори стратегик шериклар билан ўзаро манфаатли ва дўстона муносабатларни ўрнатишга қаратилган.

Абдулазиз РАСУЛЕВ,
Ўзбекистон Республикаси Президенти ҳузуридаги
Қонунчилик ва ҳуқуқий сиёсат институти
илмий котиби,
юридик фанлар доктори, профессор

Ўзбекистон мустақилликка эришгандан буён бошқа кўлаб давлатлар каби Хитой Халқ Республикаси билан муносабатлари ҳам изчил мустақамланиб бормоқда. Шуниси эътиборга лойиқки, Хитой Марказий Осийнинг постсовет давлатлари орасида **биринчи бўлиб Ўзбекистонни тан олди** (1991 йил 27 декабрь). 1992 январда Ўзбекистон ва Хитой ўртасида дипломатик муносабатлар ўрнатилди.

Ўзбекистон ва Хитой ўртасидаги ҳамкорлик ШХТ ва “Бир макон – бир йўл” ташаббуси доирасида ҳам ривожланмоқда.

Ўзбекистон мустақилликка эришган даврда Хитой билан муносабатлари янада яқин ва ишончли ҳамкорликка ўтди. **Стратегик шериклик** муносабатлари 2012 йил 6 июнда, **кенг қамровли стратегик шериклик** муносабатлари 2016 йил 22 июнда ва янги даврда **кенг қамровли стратегик шериклик** муносабатлари 2022 йил 15 сентябрда ўрнатилди. Ўзбекистон Республикаси Президентининг ақинда бўлиб ўтган ташрифи чоғида давлатимиз раҳбари икки мамлакат ўртасидаги муносабатлар “янги даврда барча шароитларда стратегик шериклик” даражасига кўтарилаётганини маълум қилди.

Умуман олганда, давлат раҳбарининг январь ойида Хитойга ташрифи турли соҳалардаги ўзаро манфаатли ҳамкорликни мустақамлаш йўлидаги муҳим қадамлар билан белгиланди.

Савдо-иқтисодий соҳада муҳим келишувларга эришилди. Таъкидлаш жоизки, бу соҳа Ўзбекистон-Хитой муносабатларида энг самарали ҳисобланади. 2023 йилда Ўзбекистон ва Хитой ўртасидаги товар айирбошлаш ҳажми **бир ярим баробар ошди**, 14 миллиард АҚШ долларига етди, Хитойнинг Ўзбекистон иқтисодиётига киритган инвестицияларнинг умумий ҳажми **беш баробарга** ошди. Шу билан бирга, сўнгги йилларда қўшма корхоналар сони **уч баробарга** кўпайди.

Ташриф чоғида мамлакатлар техник-иқтисодий ҳамкорлик, янги электромобиллар соҳасидаги лойиҳаларни амалга

ошириш бўйича келишиб олдилар. Энергетикани ривожлантиришга алоҳида эътибор қаратилмоқда. Масалан, мамлакатлар 2030 йилга қадар 27 гигаваат қайта тикланадиган энергия ишлаб чиқаришни режалаштирган ҳолда “яшил” энергия соҳасини ривожлантирадилар. Бундан ташқари, Хитой Миллий нефть-газ корпорацияси билан биргаликда Ўзбекистонда ер ости газ омборларини қуриш ва газ узатиш тизимларини модернизация қилиш, замонавий бургулаш технологияларини жорий этиш ва нефть-газ саноати соҳасида мутахассислар тайёрлаш бўйича истиқболли лойиҳаларни амалга ошириш режалаштирилган.

Транспорт соҳасидаги ҳамкорликка алоҳида эътибор қаратилиб, Хитой – Марказий Осий – Европа темир йўл тезорар поездлари бўйича ҳамкорликни чуқурлаштириш, “Хаво ипак йўли”ни биргаликда қуриш бўйича келишувга эришилди. “Бир макон, бир йўл” ташаббуси доирасида трансатлантик транспорт ва транзит кўпригининг муҳим таркибий қисмига айланиши учун мўлжалланган **Хитой – Қирғизистон – Ўзбекистон** темир йўлини қуриш бўйича амалий ишлар тезкорлик билан бошлангани алоҳида қайд этилди.

Тошкентда Хитой экспорт-импорт банкининг минтақавий офисини очиб орқали банк соҳасида ҳамкорликни ривожлантириш режалаштирилмоқда. Шунингдек, Хитойнинг етакчи банк-молия институтлари билан амалий ҳамкорликни чуқурлаштириш, Хитой компанияларининг Ўзбекистондаги хусусийлаштириш жараёнларидаги иштироки истиқболлари кўриб чиқилди.

Сиёсий-ҳуқуқий соҳада мамлакатлар барча даражадаги давлат идоралари ўртасидаги мулоқот муҳимлигини яна бир бор таъкидладилар. Ушбу соҳада мамлакатлар Ҳукуматлараро қўмита, Парламентлараро гуруҳ ва Ташқи ишлар вазирлари даражасидаги стратегик мулоқот каби форматдаги ҳамкорликни фаоллаштириш мақсадга мувофиқ топилди. Хусусан, мамлакатлар 2024 йилнинг биринчи ярмида Ҳукуматлар-

аро қўмита ва барча қуйи қўмиталарнинг йиғилишларини ўтказишга келишиб олдилар. Хусусан, парламент назорати орқали мамлакатлар келишувларнинг амалда бажарилишига эришишга интиломоқда.

Икки мамлакат ҳудудлари ўртасидаги ҳамкорлик мустақамланмоқда. Хусусан, Тошкент вилояти ва Шенчи вилояти, шунингдек, Тошкент ва Шенчжен, Самарқанд ва Циндао шаҳарлари ўртасида шериклик муносабатларини ўрнатиш тўғрисида битимлар имзоланди. Шуниси эътиборга лойиқки, мамлакатлар **Сирдарё вилояти**ни инновациялар ва қўшма истиқболли лойиҳаларни (агрисаноат парклари, қишлоқ хўжалиги кластерларини ташкил этиш) амалга ошириш учун тажриба зонаси сифатида танлашга келишиб олдилар.

Мамлакатлар 2030 йилга қадар 27 гигаваат қайта тикланадиган энергия ишлаб чиқаришни режалаштирган ҳолда “яшил” энергия соҳасини ривожлантирадилар. Бундан ташқари, Хитой Миллий нефть-газ корпорацияси билан биргаликда Ўзбекистонда ер ости газ омборларини қуриш ва газ узатиш тизимларини модернизация қилиш, замонавий бургулаш технологияларини жорий этиш ва нефть-газ саноати соҳасида мутахассислар тайёрлаш бўйича истиқболли лойиҳаларни амалга ошириш режалаштирилган.

Ижтимоий-маданий соҳада ҳам бир қатор муҳим лойиҳаларни амалга ошириш режалаштирилган. Хусусан, Ўзбекистон Хитойнинг камбағалликни қисқартириш, ижтимоий ҳимоя ва сунурта, аҳолига манзилли ёрдам кўрсатиш соҳасидаги муваффақиятли тажрибасини қўллашни режалаштирмоқда. Шу муносабат билан Ўзбекистон Республикаси Камбағалликни қисқартириш ва бандлик вазирлиги ҳамда Хитой Халқ Республикаси Қишлоқ хўжалиги ва қишлоқ масалалари вазирлиги ўртасида камбағалликни қисқартириш соҳасидаги ҳамкорлик тўғрисида аҳдлашув баённомаси имзоланди. Хитойлик экспертлар иштирокида Ўзбекистон ҳудудларида камбағалликни қисқартириш

Чунки, айнан инсон салоҳияти Ўзбекистон – Хитой муносабатлари ривожига тамаал тоши бўлиши керак. Бой тарихий тажрибага эга бўлган икки мамлакат ҳамкорлиги халқлар ўртасидаги аўстакни ривожлантириш ва мустақамлаш учун ҳам асос бўлади.

бўйича 18 та мақсадли ижтимоий-иқтисодий лойиҳа тайёрланди.

Таъкидлаш жоизки, маданият соҳасида 4 та ҳужжат имзоланди. Бу, хусусан, инсон ресурсларини ривожлантириш, давлат илмий-тадқиқот муассасалари ҳамкорлиги тўғрисидаги ҳукуматлараро битимлар, шунингдек, ҳамкорлик ва илмий-техникавий ҳамкорликни янада мустақамлаш бўйича идоралараро битимлардан иборат. Айни пайтда, “Ўзбекистон – Хитой” дўстлик гуруҳлари фаолиятини, ўзаро маданият кунларини ўтказиш амалиётини фаоллаштириш режалаштирилган. Ёшларнинг биринчи қўшма инновацион форумини ўтказиш таклиф этилди.

Тарафларнинг манфаатларини ҳисобга олган ҳолда туризмин ривожлантиришга янги импульс берилди. Шундай қилиб, мамлакатларнинг туризм бўйича идораларининг бевосита иштирокида ҳаво қатнови ва сайёҳлик алмашинувини янада кенгайтириш режалаштирилган. Хусусан, Хитойнинг China Comfort Tourism туроператори бу йил Ўзбекистонга 50 минг сайёҳни юборишни режалаштирмоқда.

Экология ва атроф-муҳитни муҳофаза қилиш ҳам кун тартибидан бўлди. Атроф-муҳитни муҳофаза қилиш соҳасида ҳамкорлик тўғрисида ҳукуматлараро битим имзоланди, унда барқарор ривожланиш, энергетика, озиқ-овқат ва экологик инқирозларнинг кучайиши оқибатларини бартараф этишга эътибор қаратилди.

Умуман, Ўзбекистон Республикаси Президенти Ш.Мирзиёевнинг ташрифи якуни бўйича турли даражадаги 20 дан ортиқ халқаро ҳужжатлар имзоланди.

Юқоридагилардан келиб чиққан ҳолда, “янги даврда барча шароитларда стратегик шериклик” шароитида Ўзбекистон ва Хитой ўртасидаги ҳамкорлик истиқболларини қуйидагича умумлаштириш мумкин:

1) қўшма лойиҳа ва ташаббусларнинг амалда бажарилишини доимий равишда кузатиб бориш, бундай ҳамкорлик натижалари ва ютуқларини, айниқса, энергетика, транспорт ва қишлоқ хўжалиги масалалари бўйича ҳамкорлик натижаларини жамоатчиликка етказиш зарур;

2) икки мамлакатнинг халқаро миқёсда, хусусан, тинчлик ва хавфсизликни таъминлаш, глобал ва минтақавий муаммоларни ҳал этиш соҳасидаги ташаббусларини илгартириш ва ўзаро қўллаб-қувватлаш бўйича ҳамкорликни фаоллаштириш керак;

3) ўзаро ҳамкорликнинг тахлиллий жиҳатларини янада кучайтириш мақсадида қўшма тадқиқотлар, конференциялар ва “ақлли ҳужумларни ўтказиш зарур.

Худудлардан хабарлар

Сифатсиз дори воситаларига қаршимиз

Дорихонага кирган бемор борки, сотиб оладиган дорининг нархиға эътибор қаратади. Унинг сифати ва истеъмолга қай даражада яроқлилиги билан ҳамма вақт ҳам қизиқмайди. Айни шу сабаб айрим ҳолларда ўз саломатлигимизга салбий таъсир қилувчи дориларга дучор бўлаемиз.

“Адолат” СДП мунтазам равишда сифатсиз дори воситаларига қарши курашиб келмоқда. Партиянинг Бағлиқчи туман кенгаши томонидан дорихоналарда олиб борилган ўрганиш ишлари ҳам шу мақсадга қаратилди. Партиядошларимиз сотувчилар олдиға биринчи навбатда сотувдаги дори воситалари сифатлими, деган саволни қўйдилар. Бунга жавоб олиш

баробарида дориларнинг нархи ва истеъмол учун яроқлилиги ўрганилди. Дориларни сақлаш қоидаларига амал қилиш ҳам эътибордан четда қолмади.

– Фаолиятимиз инсон саломатлиги билан боғлиқ, – дейди “Набижон” фирмасига қарашли дорихона мудир **Абдулатиф Исроилов**. – Шу сабаб доим масъулият билан ишлашимиз лозим. Дори воситаларини олиб келишда унинг сифати биз учун асосий шарт. Шифокор тавсияси бўлгандагина савдо қилаемиз. Фуқароларнинг тиббий маданияти ўсиб бормоқда. “Адолатчилар”нинг бу ташаббусини қўллаб-қувватлайман. Жамоатчилик назорати зиммимиздаги масъулиятни оширади.

Тадбир доирасида тумандаги ўнға яқин дорихоналар ўрганилди.

Анджон вилояти кенгаши матбуот хизмати

Жамоатчилик назорати

“АҚЛЛИ ТИББИЁТ” тизими қандай ишляпти?

Ўтган 2023 йилнинг декабрь ҳамда жорий йилнинг январь ойларида “Адолат” СДП Сирдарё вилояти кенгаши томонидан партия ходимлари ва жамоатчи вакиллардан иборат ишчи гуруҳ тузилиб, вилоятимизда “Ақлли тиббиёт” тизимининг жорий этилиш ҳолати юзасидан ўрганишлар олиб борилди.

Ўрганишларда ҳудуддаги тиббиёт муассасалари кесимида “Ақлли тиббиёт” тизимининг амалиётга киритилганлик даражаси, жумладан, “Электрон рўйхат”, “Электрон рецетп”, “Электрон анкета” тизимларининг жорий қилинганлик ҳолатига эътибор қаратилди.

Айтиш мумкинки, “Ақлли тиббиёт” тизимида вилоят бўйича кўплаб ижобий ишлар амалга оширилди. Жумладан, вилоятдаги тиббиёт муассасаларининг барчасига “medhub” тизими, электрон навбат, электрон амбулатор карта жорий этилди. 2023 йил бошидан шу кунга қадар электрон рецетп бўйича амбулатор поликлиникалар томонидан “Д” назоратдаги беморларга жами 1 326 867,0 минг сўмлик 19 990 дона электрон рецетп ёзилган бўлиб, барча харажатлар давлат тиббий сугуртаси жамғармаси томонидан қўллаб берилган.

2023 йил бошидан шу кунга қадар вилоят бирламчи тиббиёт муассасаларида АКТни ривожлантириш рақамли технологияларни жорий қилиш бўйича молиялаштириш харажатлари 309 миллиард 152 миллион 867 минг сўмни ташкил этди.

Аҳолига кўрсатилаётган тиббий хизматларни рақамлаштириш мақсадида IT MED томонида mis2.ssv.uz платформаси яратилган бўлиб, унда ҳудудларда электрон йўлланма олиш тартиби амалга оширилмоқда. Мисол учун, Боевтур туман тиббиёт бирлашмаси Соғлиқни сақлаш вазирлигининг ташаббуси билан 2018 йилдан буён электрон тизим орқали самарали ишлаб келмоқда. Тумандаги даволанишга муҳтож фуқароларга электрон дастур орқали электрон йўлланмалар тўлиқ тақдим этилмоқда.

Бунинг ижобий томони шундаки, эндиликда имтиёзи бор фуқаролар ўз яшаш ҳудудидаги оилавий поликлиникага мурожаат қилади ва даволаниши зарур деб топилса, “электрон йўлланма” шакллантирилиб, лаборатория таҳлиллари ва бемор имтиёзлари бўйича маълумотлар кўп тармоқли марказий поликлиникага тизим орқали юборилади. Беморларга шакллантирилган йўлланма ва жараёнга оид бошқа маълумотлар электрон платформага киритилган уяли алоқа рақами орқали “SMS” хабарнома шаклида етказилади. Бемор мазкур хабарномани олганидан сўнг оилавий шифокорининг руҳсати билан шифохонага ётказилади.

“Ақлли тиббиёт” тизими барча жараёнларнинг автоматлашуви, шаффоф ва адолатли бўлишига, IT-технологияларнинг ҳудудларда кенг жорий этилишига, аҳолининг замонавий тиббий хизматлардан фойдаланишига янги имкониятлар яратмоқда. Қолаверса, мазкур технологиялар воситасида тиббиёт соҳасига янги мутахассис кадрларнинг кириб келиши янгица ёндашувлар билан ишлаш тизимининг шаклланишига замин яратмоқда. Табиийки, замонавий қурилмалар ва жиҳозларда ишлаш бевосита касалликларни эрта аниқлашга ва тўғри тахшиш қўйишга имкон яратади.



“Ақлли тиббиёт” тизимининг амалиётга жорий этилиш ҳолати Гулистон шаҳар тиббиёт бирлашмасида ҳам атрофлича ўрганилди. Ҳозирда Гулистон шаҳрига қарашли 1 та марказий поликлиника, 4 та оилавий поликлиника, 3 та ҳудудий бўлимлар бўлиб, уларда “Электрон поликлиника” тизими (id.medhub.uz) ишга туширилган ва амалиётда ўзининг ижобий самарадорлигини кўрсатмоқда. Шаҳар аҳолиси Ўзбекистон Республикаси Президентининг 2023 йил 1 майдаги “Соғлиқни сақлаш тизимини рақамлаштиришга доир қўшимча чора-тадбирлар тўғрисида”ги қарори асосида “Рембурсация” тизими (касалликлар хуружининг олдини олиш ва дори таъминотини яхшилаш орқали аҳолининг ижтимоий ва моддий ҳимоясини таъминлаш) орқали 11 турдаги дорилар билан бепул таъминланиб келинмоқда.

Шаҳар тиббиёт бирлашмасига қарашли бўлимларда даволанаётган беморлар учун электрон дастур орқали 066 тиббий шакли тизими юритилиб келинмоқда. Бугунги кун ҳолатига кўра, шаҳардаги 107 537 нафар аҳоли хатловдан ўтказилди, “Электрон поликлиника” тизимига бириктиришга эришилди.

Қолаверса, мазкур замонавий тизим бўйича Янгиер шаҳри тиббиёт бирлашмасига қарашли 1 та марказий поликлиника ва 1 та оилавий поликлиникада “Электрон поликлиника” тизими ишга туширилиб, ҳозирда ундан самарали фойдаланиб келинмоқда.

Аммо ютуқларни эътироф этиш билан бир каторда, ҳали тизим тўлиқ ишлаб кетиши ва бунга аҳолининг кўникиши билан боғлиқ бўлган қатор камчиликлар ҳам бор. Жумладан, **электр энергиясидаги тез-тез узлишлар, янги технологиялардан унумли фойдаланиш салоҳиятига эга шифокор кадрларнинг етишмаслиги, аҳолининг тиббий маданияти даражаси, соҳадаги ўзгаришларга нисбатан эътиборсизлиги каби қатор муаммоларни келтириб чиқараётганлиги бу йўналишда кўплаб ишлар қилиниши кераклигини кўрсатиб бермоқда.**

Шу боисдан “Адолат” СДП фаоллари ва партиянинг Сирдарё вилояти кенгаши вакиллари мамлакатимиз соғлиқни сақлаш тизимини ҳамда аҳолига малакали тиббий хизмат кўрсатиш даражасини сифат ва самарадорлик жиҳатдан янги босқичга олиб чиқувчи мазкур эзгу ишларни амалга оширишда янада фаол бўлишни мақсад қилган. Демак, биз ушбу йўналишдаги ўрганишларимизни ва соҳани янада такомиллаштиришга оид таклиф ва ташаббусларимизни давом эттираемиз.

Сирдарё вилоят кенгаши матбуот хизмати



Мулоҳаза учун мавзу

ТЕЖИМ ДЕТГАННИ

ҚАДРИ ЙЎҚ, ДЕТГАННИМИ?

Ўзбекистонда 2023 йилда тез ёрдам хизматига 3500 дан ортиқ ёлғон чақириқ келиб тушган



Айрим ҳолатларда чақирув манзилларидаги одамларнинг, бемор яқинларининг агрессив кайфияти хизматини бажариш учун келган соҳа ходимларининг дўшманлигига олиб келинаётганини ижтимоий тармоқлар орқали кўриб, бианб турибмиз. Наҳотки, айрим элдошларимиз бу ҳолатлар ҳам кимнингдир фарзадга, кимнингдир онаси, кимнингдир яқини эканини англаб етмас? Энг муҳими, улар ўз хизмат вазифасини бажараётган беморларга ҳамдард инсонлар-ку! Ташқи омиллар сабаб кеч қолса ёки муолажада қийналса, бу уларга жисмоний куч ишлатиш учун асос бўлиши қанчалик тўғри?!

ТЕЗ ЁРДАМ КИМЛАРГАДИР ТАКСИ(МИ)?

Яқинда YouTube ижтимоий тармоғида икки маст эркакнинг тез ёрдам бригадасининг йўлини тўсгани акс этган видео лавҳа тарқалиб, кўпчиликнинг кескин муносабатига сабаб бўлди. Лавҳада маст эркаклардан бири ўзини "касал" сифатида кўрсатишга урингани, бригада шифокоридан "касал" эркак ва унинг ҳамтовогини яшаш уйига олиб бориб, ўша ерда текшириб қўйишни талаб қилганини кўриш мумкин. Яъни чақирув автомобилдан текин такси сифатида фойдаланишга ҳаракат қилиб, дўк-пўписа қилляпти. Энг ачинарлиси, соч-соқолига оқ тушган шу эркак, бундан икки-уч ой аввал ҳам ижтимоий тармоқларда тез ёрдамга кўнғироқ қилиб, "нон олиб келишга буюртма бергани" билан "машхур" бўлган эди...

Бу каби кўнгилсиз ҳолатларнинг олдини олиш учун электоратининг катта қисми айнан тиббиёт ходимлари бўлган "Адолат" социал-демократик партиясининг янги Сайловдаги дастуридан қуйидаги йўналишлар ўрин олиши мақсадга мувофиқ деб ўйлаймиз:

– Тез тиббий ёрдамга ёлғон чақириқ қилганлик учун маъмурий жавобгарлик чораларини янада кучайтириш, яъни жарима миқдорини кескин ошириш;

– Тез тиббий ёрдам ходимларининг касбий фаолиятига ноқонуний аралиши, уларга руҳий ва жисмоний босим ўтказганлик учун жиноий жавобгарликни белгилаш.

Зеро, агар тез тиббий ёрдамга қилинган ёлғон чақириқ учун жиддий жазо чоралари ҳамда соҳа ходимларининг давлат томонидан муҳофаза қилиниши кафолатловчи қонун ва қарорлар ишлаб чиқилиб, амалга татбиқ этилмаса, боқимонда ҳамда зўравонлар сафи кенгайиб бораверади.

ҚАДРИ ОЁҚ ОСТИ БЎЛАЁТГАН ШИФОКОРЛАР

Бугунги мобил глобаллашув даври кишилар онгига ҳам таъсир қилаётгани барчамизга аён. Телефонга бўлган мобил куллик, ижтимоий тармоқларга қа-

Хулоса ўрнида айтмоқчи бўлганимиз, юртимизда тез тиббий ёрдамнинг текин эканлиги, тизим ходимларининг қадрсизлигига эмас, айсиноча, уларнинг обрў-эътибори янада юксалтиришга хизмат қилиши керак. Ё сизлар бошқа фикрдасизми, азиз газетхонлар?!

Беморга энг зарур биринчи ёрдамни кўрсатадиган, кези келганда муолажаси ва муомаласи билан қанчадан-қанча инсонларни ҳаётга қайтаришда ҳиссаси катта бўлган тез тиббий ёрдам ходимлари шаънига ҳар қанча мақтовлар айтсак арзийди.

Илҳомжон АБДУСАЛОМОВ, ЎзДЖТУ талабаси

Бугун янги Ўзбекистонда "Инсон қадри улуг" бош ғояси тиббиёт тизимида ҳам ўз аксини топмоқда. Буни мамлакатимиз аҳолисининг саломатлигини янада мустаҳкамлаш борасида амалга оширилаётган изчил ишловлар мисолида ҳам кўриш мумкин. Жумладан, тез тиббий ёрдам тизимининг моддий техник базаси кун сайин янгиланиб борилаётгани, соҳага илгор жаҳон тенденция ва технологияларнинг жалб этилаётганидан ҳаммамиз хабардормиз. Қолаверса, бу йўлда меҳнат қилаётган тиббиёт вакилларига ҳукумат томонидан кўрсатилаётган эътиборнинг юксаклиги, албатта, кишини қувонтиради. Буларнинг барчаси фақатгина бир эзгу мақсад – халқимизнинг тез тиббий ёрдамдан рози бўлиши учун қилиняпти.

Деярли ҳар биримиз мазкур хизматдан жуда бўлмаганда бир мартаба бўлса ҳам фойдаланганмиз. Кўп ҳолларда чақирув бригадаларининг манзилларга кечроқ келиши, ходимлар тажрибаси, дори-дармон сифати ва транспортнинг техник имконияти борасида айрим жиҳатлар танқидга олинади. Лекин кўп ҳолларда жамоатчилик томонидан танганинг иккинчи томонига эътибор берилмайди. Айтмоқчи бўлганимиз, етиб келиш вақтининг узайиб кетиши каби баъзи камчиликларга фақатгина тез тиббий ёрдамнинг айби сифатида қаралади. Ушбу мақолада сўнги йилларда тез ёрдам хизматига бўлган аҳолининг талаби, муносабати ҳамда соҳага оид бошқа жиҳатларни ёритишга ҳаракат қиламиз.

ЙИЛ САЙИН ЙИРИҚЛАШАЁТГАН РАҚАМЛАР

Инсон ҳаётида биринчи тез тиббий ёрдамнинг ўрни ва аҳамияти беқиёсдир. Зеро, тез тиббий ёрдам – бахтсиз ҳодиса рўй берганда, киши шикастланганда ёки тўсатдан касал бўлиб қолганда унинг ҳаётини асраб қолиш, ёмон асоратлардан омон қолиши учун кўрсатиладиган тадбирлар мажмуи саналади. Ушбу фаолият тури шифокор етиб келгунча ёки беморни шифохонага олиб боргунча амалга ошириладиган жараён. Юртимизда биргина 2023 йил мобайнида тизимга бўлган эҳтиёж анча юқорилаб, чақирувлар сони қай даражада кўпайганини кўриш мақсадида тахлилларга эътибор қаратмоқчимиз. "Gazeta.uz" сайти тарқатган маълумотларга кўра, Ўзбекистонда 2023 йил давомида тез тиббий ёрдам хизматига 13 миллион 522 минг 771 та (2022 йилда 13 миллион 22 мингта, 2021 йилда 12 миллион 590 мингта) чақирув келиб тушган. Чақирувларнинг 888 минг 57 тасида катта ёшли, 337 712 тасида кичик ёшли беморларга тез тиббий ёрдам кўрсатилган. Энг кўп мурожаат Фарғона водийси ва Тошкент шаҳридан, энг кам чақириқ эса Навоий ва Сирдарё вилоятидан келиб тушган.

ТЕЗ ЁРДАМНИ АЛДАЁТГАНЛАР

Афсуски, тез тиббий ёрдамдан зарур ҳолда фойдаланадиганлар орасида бу тизимни ўйинчоқ деб биладиган, бўлар-бўлмасга чақирув амалга ошириб, тез ёрдам ходимларининг вақтини бекорга сарфлайдиганлар ҳам топилади. "Daryo" интернет нашрининг маълумотларига қараганда, Ўзбекистонда 2023 йилда тез ёрдам хизматига 3500 дан ортиқ ёлғон чақириқ келиб тушган. Бу ҳақда Республика тез тиббий ёрдам маркази директори Абдувоит Ғафуров маълум қилган. Қайд этилишича, тез тиббий ёрдам хизмати фаолиятига салбий таъсир этувчи омиллар кўп. Айниқса, ёлғон чақириқлар сабабли аксарият ҳолларда тиббиёт бригадалари тўғри чақириқ манзилига ўз вақтида етиб бора олмайдди. Шунингдек, манзил ва бемор тўғрисидаги маълумотларнинг тўлиқ берилмаслиги чақирув бригадасининг ҳозирлик даражасига ўз таъсирини ўтказди. Ачинарлиси, маълумотларнинг аниқлаштирилишига кетаётган вақтда кимдир, ҳақиқатан ҳам тез ёрдамга муҳтож бўлмаётганига кафолат йўқ. Буни эса айрим юртдошларимиз тушунишни исташмайди.

Ибратли ташаббус

Наманган вилоят адлия бошқармаси томонидан вилоятдаги барча маҳаллаларда ҳуқуқий тарғибот тадбирлари мунтазам тарзда ўтказилиб, аҳолининг ҳуқуқий маданиятини ошириш, уларни қийнаб келаётган муаммоларни ҳал этишга алоҳида эътибор қаратилмоқда.

Дилмурод АҲМЕДОВ, вилоят адлия бошқармаси бошлиғи ўринбосари

Маҳаллада "Адлия кутубхонаси"

Маҳаллаларда ўтказилаётган "Сайёр қабул" ва "Мен маҳаллам ҳуқуқшуносиман" шиори остидаги тадбирлар маҳалла аҳолининг ҳуқуқий саводхонлигини оширишга хизмат қилмоқда. Шунингдек, вилоят адлия бошқармаси бошлиғининг ташаббуси билан маҳаллаларда "Адлия кутубхонаси" ташкил этилмоқда. Дастлаб Янги Наманган туманидаги "Бунёдкор" маҳалласида ташкил этилган кутубхонага ҳуқуқий, бадий китоблар, шунингдек, Адлия вазирлиги

"Адолат" миллий ҳуқуқий ахборот марказида чоп этилган ҳуқуқий қўлланмалардан иборат 200 дан ортиқ китоблар жамлангани фойдаланиш учун топширилди. Тадбирда китобхонлик маданиятини маҳалладан бошлаш, ёшларнинг бўш вақтини мазмунли ўтказиш, ўз билим ва малакаларини мунтазам ошириб боришда айнан китобга ошно бўлиш мақсада мувофиқлиги таъкидланди. Тақдим этилган ҳуқуқий ва бадий

китобларни мутолаа қилиб, ҳуқуқий онгини янада мустаҳкамлашга эътибор қаратиб, фуқароларнинг ҳуқуқ соҳасидаги билимларини ошириб боришларига замин яратилганлиги алоҳида қайд этиб ўтилди. Бундай беминнат ҳада "Бунёдкор" маҳалласи аҳолисини мамнун этди. Вилоятдаги бошқа маҳаллаларда ҳам босқичма-босқич "Адлия кутубхонаси" ташкил этиладиган бўлди.



Шахсий фикр

ОЛГАН МАОШИМИЗ ҲАЛОЛ БЎЛСИН...

Азиза БОЙМУРАДОВА, Каттақўрғон туманидаги 28-умумий ўрта таълим мактаби директори, халқ депутатлари туман Кенгаши депутати

Ҳар бир фарзанд бир оиланинг кўзгуси. Ўша кўзгу ғуборланмаслиги учун вақти-вақти билан ота-оналар иштирокида жонли суҳбат олиб бориш лозим. Муаллимдан меҳр кўрган, унинг моҳирлигига, меҳрибонлигига, дунёқароши теранлигига маҳлиё бўлган ўқувчида кўполик бўлмайди. Бошланғич синфга келган бола қалби оппоқ қоғозга ўхшайди. Жуда кўп нарса бошланғич синф ўқитувчисига боғлиқ. Одамийлик фазилатлари, қадриятларга ҳурмат, хусниҳатнинг чиройли бўлиши, нотиклик, нафосат оламидан ҳайратланиш... Муаллим бола психологиясини яхши ўрганган бўлса, ҳар қандай ҳолатда ўқувчи билан тиллаша олади, фанига қизиқишини орттиради. Аксарият ҳолатларда устозларнинг ўқувчисидан нолиши, аввало, ўша муаллимнинг ғўрлиги, фанини пухта етказиб беролмаслиги, меҳрсизлиги, номингана дарс ўтиши оқибатининг натижасидир. Мактаб остонасига ихлос билан кўнглимизни ғуборлардан фориғ қилиб қадам қўйсақ, элнинг боласига меҳр билан сабоқ бериб, ҳайратларини оширсак, юртимиз келажаги бўлган болаларда меҳнатсеварлик, ҳалоллик, ватанпарварликни тўғри талқин қилдирсак – олган маошимиз ҳалол. Муаллим матбуот билан бирга яшаса, ўқувчиларини дарсдан ташқари китобсеварликка, болаларбоп нашрларга қизиқишини орттириб, ижодкорона муносабатда бўлишга ундаса, ўзи шахсий намуна бўлиб таълим нашрлари ичида яшаса, ота-оналар китобхонлиги ортиб борса, нур устига аъло нур бўларди.

ADOLAT
SOTSIAL-DEMOKRATIK PARTIYASI

Муассис:
"Адолат" СДП
Спёсий
Кенгаши

Бош муҳаррир: Ислом ХАМРОЕВ

Таҳрир хайъати:

Баҳром АБДУҲАЛИМОВ
Наримон УМАРОВ
Мухаммад АЛИ
Гавхар АЛИМОВА
Мухаррам ДАДАХОДЖАЕВА
Қодир ЖўРАЕВ

Зухра ИБРАГИМОВА
Тошпўлат МАТИБАЕВ
Тальят МУРОДОВ
Абдуқамол РАҲМОНОВ
Умиджон СЛАЙМОНОВ
Собир ТУРСУНОВ

Бўлимлар:
Котибият – 71 288-42-14 (144); 90 900-72-15
Қабулхона – 71 288-42-12 (141) факс;

1995 йил 22 февралдан чиқа бошлаган

info@adolatgz.uz adolatgz-95@mail.ru

Масъул котиб — Абдугани Содиқов
Навбатчи муҳаррир — Саодат Раҳимова

НАШР КЎРСАТКИЧИ: 100

ISSN 2091-5217

772091521009

Газета Ўзбекистон Матбуот ва ахборот агентлиги томонидан 0018 рақами билан 2006 йил 6 декабрда рўйхатга олинган. Қоғоз бичими А-2. Ҳажми – 3 босма табоқ. Офсет усулида босилган. Бюрогма Г – 200

Адади – 1736
Босишга топширилган вақти – 21.00
Босишга топширилди – 21.10
Баҳоси келишилган нархда

Таҳририятга келган қўлёзмалар тақриз қилинмайди ва муаллифга қайтариб берилмайди. Реклама материаллари учун таҳририят жавобгар эмас. Газетанинг етказиб берилиши учун обунани расмийлаштирган ташкилот жавобгар.

"Шарқ" НМАК Босмаханасида чоп этилди.
Қорхона манзили: Тошкент шаҳри Буюк Турон кўчаси, 41-уй.